

17/25

UGOVOR
o nabavci usluge kopiranja i printanja

1. Agencija za zaštitu ličnih podataka u Bosni i Hercegovini, Sarajevo, Dubrovačka br. 6, ID broj: 4201361110005, koju zastupa direktor dr. Dragoljub Reljić, (u daljem tekstu: Ugovorni organ) sa jedne strane i

2. ALF-OM d.o.o. Banja Luka, Poslovna jedinica Istočno Sarajevo, ul. Vojvode Radomira Putnika br. 38, ID broj: 4400810890005 koga zastupa Miroslav Simjanoski (u daljem tekstu: Davalac usluge), s druge strane

Član 1.

Predmet ovog Ugovora je nabavka usluge kopiranja i printanja za potrebe Ugovornog organa.

Na osnovu provedenog postupka javne nabavke usluge putem direktnog sporazuma Ugovorni organ je Odlukom o izboru najpovoljnijeg ponuđača broj: UPI 08-16-19-26-5/25 od 26.11.2025. godine, ocijenio ponudu Davaoca usluge broj: 0304/25 GG od 18.11.2025. godine prihvatljivom i Davaocu usluge dodijelio ugovor.

Član 2.

Ugovorni organ i Davalac usluge su saglasni da ugovor realizuju prema već definisanim uslovima u postupku direktnog sporazuma za dostavu ponuda i to:

- Ugovorni organ prema zahtjevu dostavljenom u postupku direktnog sporazuma i
- Davalac usluge, prema dostavljenoj ponudi i dokumentaciji sa preciziranim uslovima iz obrasca za cijenu ponude koji čini sastavni dio ovog Ugovora.

Mjesto izvršenja ugovora je sjedište Ugovornog organa u ulici Dubrovačka broj 6, Sarajevo.

Član 3.

Ovaj Ugovor se zaključuje u vrijednosti od 4.625,00 KM bez PDV-a.

Član 4.

Davalac usluge se obavezuje da će predmetnu uslugu izvršavati sukcesivno.

Član 5.

Davalac usluge se obavezuje da za izvršenu uslugu dostavlja fakturu jednom mjesečno.

Član 6.

Ugovorni organ se obavezuje da će plaćanje vršiti u skladu sa trezorskim sistemom, žiralno u roku od 30 dana od dana dostavljanja fakture.

Član 7.

Davalac usluge se obavezuje da će predmetnu uslugu, izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene usluge.

U slučaju kašnjenja usluge do koje je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručene usluge, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Član 8.

Ukoliko, u naknadno ostavljenom roku od strane Ugovornog organa, Davalac usluge ne postupi po eventualnim primjedbama na kvalitet izvršene usluge, Ugovorni organ ima pravo na djelimičan ili potpun raskid ugovora, pismenom izjavom da raskida ugovor.

U slučaju raskida ugovora iz stava (2) ovog člana, Ugovorni organ ima pravo na naknadu stvarne štete i izmakle dobiti.

Član 9.

Davaocu usluge se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije, ili su bila u svojstvu člana ili stručnog lica koja je angažovala Komisija za javne nabavke, najmanje šest mjeseci od početka realizacije Ugovora.

Član 10.

Ovaj Ugovor stupa na snagu danom obostranog potpisivanja i zaključuje se na period od 12 mjeseci od 10.12.2025. godine do 09.12.2026. godine.

Član 11.

Svaka od Ugovornih strana može otkazati ovaj ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 12.

Sve eventualno nastale sporove pri realizaciji ovog ugovora, ugovorne strane će rješavati sporazumnim putem, u protivnom, ugovara se nadležnost Općinskog suda u Sarajevu.

Član 13.

Na pitanja koja nisu regulisana ovim ugovorom, primjenjivace se odredbe Zakona o obligacionim odnosima.

